



## "ROVER" Zaplijenili više od 10 kilograma skanka



MOSTAR - Pripadnici Državne agencije za istrage i zaštitu (SIPA) uhapsili su tri osobe na području Mostara, te zaplijenili više od 10 kilograma skanka, potvrđeno je iz SIPA. Rezultat je to prekjuče sprovedene akcije "Rover", usmjerene na suzbijanje šverca droge. Troje uhapšenih osuđeno je za organizovani kriminal, odnosno prodaju droge, a u sklopu akcije izvršeni su i pretresi objekata na području Stoca i Ljubuškog.

"Tokom pretresa otkriveno je i privremeno oduzeto više od 10 kilograma skanka", naveli su iz SIPA. Pritom je otkrivena i jedna puška, ali i ručna bomba, te drugi predmeti koji mogu poslužiti kao dokaz u daljem postupku. Identitet uhapšenih nije bio poznat do zaključenja ovog broja "Nezavisnih".

D.S.